

ՀԱՅ ԺՈՂՈՎՐԴԻ ԱԶԱՏԱԳՐԱԿԱՆ ՇԱՐԺՄԱՆ ՌՈՒՄԱԿԱՆ ԿՈՂՄՆՈՐՈՇՄԱՆ
ՁԵՎԱՎՈՐՄԱՆ ԺԱՄԱՆԱԿԱՇՐՋԱՆԻ ՀԱՐՑԸ
ՍՈՎԵՏԱՀԱՅ ՊԱՏՄԱԳՐՈՒԹՅԱՆ ՄԵՋ

Ա. Ռ. ԽԱՉԱՏՐՅԱՆ

Հայ ազատագրական շարժման ռուսական կողմնորոշման ձևավորման ժամանակաշրջանի հարցը պատմագիտական առումով մեծ կարևորություն ունի, քանի որ ռուսական կողմնորոշման հաղթանակը հայ ազատագրական շարժման մեջ ինքնրստինքյան նշանակում էր պատմական խոշոր և վճռորոշ շրջադարձ, հրաժարում ազատագրական նախկին գաղափարախոսությունից և մի նոր ուղղության որդեգրում: Ընդ որում, այդ նոր ուղղությունը միանգամայն ռեալիստական էր և բխում էր պատմական զարգացման ամբողջ ընթացքից:

Ոչ մի կասկածի ենթակա չէ և առարկություն չի վերցնում այն ճշմարտությունը, որ 1871 թ. Հայաստանում և նրա սահմաններից դուրս տեղի ունեցած իրադարձությունները թելադրեցին և պայմանավորեցին հայ ազատագրական շարժման ռուսական կողմնորոշման սկզբնավորումը: Սովետահայ պատմաբանների մեջ վիճարանության առարկա է միայն այն հարցը, թե 1871 թ. որ ժամանակահատվածում էր, որ առաջացավ և ամրապնդվեց ռուսական կողմնորոշումը: Հայտնի է, որ սովետահայ պատմաբանների մի մասը հայ ազատագրական շարժման ռուսական կողմնորոշման առաջացումը կապում է Անգեղակոթի ժողովի (1699) և դրանից հետո Խարաբլ Օրու ծավալած գործունեության հետ, մինչդեռ մյուս մասը, իննելով մի շարք պատմական փաստաթղթերից և իրողություններից, գտնում է, որ այն հաղթանակել էր արդեն 1871 թ. երրորդ քառորդում:

1921 թ. լույս ընծայած իր աշխատության մեջ¹, որը փաստորեն հայ ազատագրական շարժումների պատմության վերաբերյալ առաջին գործն էր նոր կազմավորվող սովետահայ պատմագրության մեջ, Աշ. Հովհաննիսյանը այն տեսակետն էր զարգացնում, որ մինչև 1871 թ. 20-ական թվականները, այսինքն մինչև Պյոտր 1-ի պարսկական արշավանքը և 1720—1730 թթ. հայ ազատագրական շարժումների ծավալումը, խոսք լինել չի կարող այդ շարժման ռուսական կողմնորոշման մասին: Այդ կապակցությամբ նա գրում է. «...մինչև 1720-ական թվականները ռուսական օրիննտացիան ոչ միայն հայ ժողովրդական մասսաների քաղաքական մտայնությունը չի սնել, այլև ուղեցույց չի հանդիսացել վարել դասերից որևէ մեկին նրա քաղաքական որոնումների ճանապարհին»²: Հեղինակին նման հզուակացության հանգեկու համար կոման էր ծառայում այն պարագան, որ իբր թե Խարաբլ Օրու և Մինաս վարդապետի՝ ռուսական կառավարությանը ներկայացրած և հայ ազատագրական շարժման այլ գործիչների ռուսական կողմնորոշումը վկայող փաստաթղթերի խոշոր մասը բացարձակ կեղծիք է³, դրանք կեղծվել են Մինաս վարդապետի ձեռքով, Մոսկվայում: Կեղծելով այդ փաստաթղթերը, Խարաբլ Օրին և Մինաս վարդապետը շեշտեցին էին թափում «հայկերի և մեկերության» մի մասի՝ ռուսներից ակնկալած փրկության «հուսացումը ներկայացնել ռուսներին որպես ժողովրդականություն վայելող քաղաքական երևույթ», մինչդեռ այն «դիվանագիտական մի խաղ էր, որ ռեալ հենակետ չունեի ընթացիկ հայ գիտակցության մեջ»⁴: Ելնելով այդ հայեցակետից Աշ. Հովհաննիսյանը հանգում է հետևյալ հզրակացության. «Այդ օրիննտացիան օտար և անհարազատ էր աշխատավոր ժողովրդին և արհեստական մի պատվաստ նրա մտայնությանը, հայ ազատականության մեռնող շառավիղների փրկության ուղին էր թվում մի ժամանակ, երբ ռուս ռեժիմը դասային իրավունքի և արտոնության միակ

¹ Աշ. Հովհաննիսյան, Հայ-ռուս օրիննտացիայի ծագման խնդիրը, էջմիածին, 1921,

² Նույն տեղում:

³ Նույն տեղում, էջ 26,

⁴ Նույն տեղում, էջ 63—64:

ապավեններն էր համարվում Անդրկովկասում՝ նեխվող դեպուտիզմի և պոռթկող տոհմատիրության հանդեպ⁵։

Հիշյալ աշխատության լույս տեսնելուց ավելի քան երեսուն տարի անց Աշ. Հովհաննիսյանը վերստին վերստին դարձավ Հայ ազատագրական շարժումների և ազատագրական մտքի պատմության հետազոտությանը՝ ուշագրավ և գիտական անմիտելի արժեք ներկայացնող իր երկհատոր մենագրության մեջ⁶։ Այստեղ օգտագործելով նոր, մեծահարուստ գրականություն և փաստաթղթեր, հեղինակը վերանայել է իր արտահայտած նախկին տեսակետը, ավելի ռեալիստական մոտեցում դրսևորելով քննվող հարցերի նկատմամբ։ Հայ ազատագրական շարժման ռուսական կողմնորոշման առաջացման ու ձևավորման տեսանկյունից հետաքրքիր է հատկապես «Դրվագներ...»-ի երկրորդ գիրքը, որտեղ հանգամանորեն քննվում են XVII դ. երկրորդ կեսի և XVIII դ. սկզբի Հայաստանի սոցիալ-տնտեսական կյանքը և քաղաքական իրադրությունը, ներքին ու արտաքին այն դրդապատճառները, որոնք նախապատրաստեցին և սկզբնավորեցին ազատագրության համար մղված պայքարում հայ ժողովրդի, նրա ղեկավար գործիչների քաղաքական շրջադարձը դեպի Ռուսաստան։

Հանգամանորեն ուսումնասիրելով այն բոլոր շփումները, որ ունեին հայ ժողովրդի առանձին գործիչներ մոսկովյան պետության հետ, Աշ. Հովհաննիսյանը գտնում է, որ արդեն XV—XVI դդ. հայ ժողովրդի մեջ երևան էին զալիս որոշակի ակնկալություններ ռուսական պետությունից և դրանք էին, որ XVII դարում դրդում էին հարաբերությունների մեջ մտնել Ռուսաստանի հետ. «Հայաստանի ազատագրության գործում Ռուսաստանի մասնակցության ներկատմամբ կոնկրետ ակնկալություններ ունեին արդեն 1677 թ. էջմիածնի և 1699 թ. Անգեղակոթի խորհրդածողներին կողմից րնտրված պատգամավորությունները։ Այդ պատվիրակություններին առաջ խնդիր էր դրված դիմանագրիտական ուղիներ հարթել Հայաստանի ազատագրման համար նաև Մոսկովյան պետության օժանդակությունը ապահովելու համար»⁷։ Ինչպես պատշտելով է, չմիտելով հանդերձ որոշակի քաղաքական ակնկալությունների առկայությունը մոսկովյան պետությունից, Աշ. Հովհաննիսյանը այն միտքն է զարգացնում, որ վերջինս պետք է հանդես գար օժանդակողի դերում, որ հայ ազատագրական ակնկալությունները դեռևս ամբողջությամբ մոսկովյան պետության հետ չէին շաղկապվում, որովհետև հայ ազատագրական միտքը դեռևս ընթանում էր վաղեմի դիմանագրիտական կողմնորոշման ավանդական շառավիղներով, «չկար տակավին այն գիտակցությունը, թե Ռուսաստանը միակ պետություն է, որից էլ արևելի է իրական օժանդակություն սպասել Հայաստանի ազատագրման համար։ Ոչ Հայաստանի 15—16-րդ դարերի դիմանագրիտական բանակցությունները, ոչ էլ դրանց ընթացակից հայ-ռուսական հարաբերությունների բնույթը չեն վկայում այն մասին, թե այդ ժամանակաշրջանում հայերի ազատագրական ակնկալությունները կարող էին կապված լինել բացառապես Ռուսաստանի հետ։ Հայերի ազատագրական հեռանկարները տակավին չէին լծորդված միայն կամ գեթ գեղազանցապես Ռուսաստանի քաղաքական հորիզոնների հետ»⁸։

Այդ դեպքում ի՞նչ իրադարձությունների հետ է կապվում հայ ազատագրական մտքի շրջադարձը դեպի Ռուսաստան, ո՞րն է այն վճռական գործոնը, որը պայմանավորեց այդ շրջադարձը։ Աշ. Հովհաննիսյանը դա կապում է Կարլովիցիի 1699 թ. պայմանագրի հետ, որի կնքումով արևմտյան տերությունները, մասնավորապես Հաբսբուրգները, փաստորեն առժամանակ հրաժարվում էին արևելյան ակտիվ քաղաքականությունից։ «Միայն 18-րդ դարի սկզբներից է, որ սկսվում է փոխվել դրությունը։ Մոսկովյան պետությունը միակն էր այդ պահին, որ Մերձավոր Արևելքի նկատմամբ չէր լքել ակտիվ քաղաքականության ուղին և պատրաստ էր օգտագործել առաջին պատեհ հնարավորությունը Սև և Կասպից ծովերի ներկատմամբ իր հետամտած նպատակները զենքի միջոցով իրականացնելու համար»⁹։ Եվ քանի որ Կարլովիցիի պայմանագրի կնքումը, որը կտրուկ փոխում էր քաղաքական իրադրությունը, համընկավ Իսրայել Օրու ազատագրական գործունեության ծավալմանը և վերջինիս հարկադրեց փոփոխված իրադրության պայմաններում վերադարձվել, հայ ազատագրական ակնկալությունները կապել Ռուսաստանի հետ. «Հիրավի, միայն այդ պահին կարող էր

⁵ Նույն տեղում, էջ 67։

⁶ Աշ. Հովհաննիսյան, Դրվագներ հայ ազատագրական մտքի պատմության, գիրք 1, 2, Երևան, 1957, 1959։

⁷ Նույն տեղում, գիրք 2, էջ 492։

⁸ Նույն տեղում։

⁹ Նույն տեղում, էջ 493։

հասունանալ նրա (Իսրայել Օրու—Ա. Խ.) մեջ այն միտքը, թե պետք է լքել բանակցությունների հին արահետը և շոշափել գործողությունների նոր ուղի՝ բացառապես Ռուսաստանի մեջ որոնելով Հայաստանի ազատագրման ունալ հեռանկարը, Եվ հասկանալի է, որ միայն նման հեռանկարի նշմարումով կարող էր սկիզբ առնել հայկական շարժման և հայկական բանակցությունների նոր էտապը, գրանց ուսական կողմնորոշման էտապը¹⁰, Աշ. Հովհաննիսյանի հենց այս դրույթներն են, որոնք տարակարծությունների տեղիք են տվել սովետահայ պատմագրության մեջ:

Հետաքրքիր է, թե այդ դեպքում ինչպես է գնահատում Աշ. Հովհաննիսյանը XVIII դ. 60—70-ական թվականներին վերաբերող այն իրադարձություններն ու վավերագրերը, որոնք, ըստ մեզ, ակնհայտորեն վկայում են հայ գործիչների՝ Ռուսաստանից ունեցած որոշակի քաղաքական ակնկալությունների մասին: Խոռը վերաբերում է խոշա Զաբար Շահրիմանյանի, Ստեփան Ռամադանյանի, Գրիգորի Լուսինյանի՝ Մոսկվայում վարած բանակցություններին, Նոր Զուղայի հայ վաճառականական ընկերության հետ ուսական կառավարության կնքած առևտրական պայմանագրին, Գանձասարի Պետրոս և էջմիածնի Հակոբ Զուղայցի կաթողիկոսների՝ ուսական արքունիք հղած գրություններին:

Խոշա Զաբար Շահրիմանյանի և Գրիգոր Լուսինյանի բանակցությունների հիմքում Աշ. Հովհաննիսյանը դնում է հակաթուրքական կռալիցիա սոնդձելու խնդիրը. «Լուսինյանը մեկն էր այն գործիչներից, որոնք հակաթուրքական կռալիցիայի մեջ նշմարում էին ինչպես Իրանի, նույնպես նաև բոլոր քրիստոնեական աշխարհի» բարեկեցության երաշխիքը: Այս տեսանկյունից լինելով՝ նա շանում էր ապահովել Իրանի, Ռուսաստանի և Լեհաստանի քաղաքական համագործակցությունը: Սակայն որքան էլ կարևոր լինեն այդ մարզում Լուսինյանի թափած ջանքերը, հայ ազատագրական մտքի պատմության մեջ նա հանգես չէր գալիս որպես նոր ուղի հարթող, նա շարունակում էր քաղաքական այն ուղեգիծը, որի կենսագործման համար նրանից առաջ կամ նրանից հետո շանքեր էին թափում նաև ուրիշները¹¹:

Գանձասարի Պետրոս կաթողիկոսը 1672 թ. դրույթում է ուղարկում Ալեքսեյ Միխայլովիչ ցարին, իսկ «Պետրոս կաթողիկոսի գրությունը ավելին չէր, քան Սպահանի հայ խոշաների օգտին արված բարեխոսություն. հայերից լավագույնս համարված այդ խոշաներին նկատի ունեւր կաթողիկոսը, երբ պաշտպանություն էր աղերսում ռհայ ժողովրդիս օգտին»¹²:

Աշ. Հովհաննիսյանը քաղաքական ավելի մեծ կշիռ է տալիս իր իսկ հայտնաբերած և դեռևս 1915 թ. հրատարակած Հակոբ Զուղայցու լատիներեն այն նամակին, որը գրված էր հավանաբար 1670-ական թվականների սկզբին և հղված Ալեքսեյ Միխայլովիչ ցարին, որովհետև այդ գրության մեջ «էջմիածնի կաթողիկոսը հանդես էր գալիս... ոչ թե Սպահանի կամ Նոր Զուղայի հայ խոշաների շահերը պաշտպանողի կամ հակաթուրքական կռալիցիայի օգտին միշտորդողի, այլ հակաթուրքական առամադրություններ արտահայտողի դերում»¹³, Հակոբ Զուղայցի կաթողիկոսի գործունեությունը, ուսական կառավարությունից օգնության հայցերը Իրանի ճնշումների դեմ «օբյեկտիվորեն հոգ էին պատրաստում հայ ժողովրդի ազատագրական շարժման ուսական կողմնորոշման համար»¹⁴: Աշ. Հովհաննիսյանը գտնում է, սակայն, որ այն «ինքյան դեռ չէր հանդիսանում հայ ազատագրական մաքի քաղաքական վերադարձի արժանաշատություն»¹⁴:

Ամփոփելով իր տեսակետը Շահրիմանյանի, Լուսինյանի գործունեության, Պետրոս և Հակոբ Զուղայցի կաթողիկոսների գրությունների մասին, Աշ. Հովհաննիսյանը դրանց հետ չի կապում հայ-ուսական քաղաքական և դիվանագիտական հարաբերությունների սկզբնավորումը: Նրա կարծիքով, ռնման դիմումների առկայությունը դեռ առիթ չի տալիս խոսելու հայառաական դիվանագիտական հարաբերությունների սկզբնավորման մասին, որչափ չկան փաստական տվյալներ ասելու, թե այդ դիմումները արժանացան Մոսկվայում ռհե՛ ուղարկության»¹⁶:

Այսպիսով, միանգամայն պարզ է, որ Աշ. Հովհաննիսյանը հայ ազատագրական շարժման ուսական կողմնորոշման ձևավորումը բացառապես կապում է Իսրայել Օրու անձի և

¹⁰ Նույն տեղում:

¹¹ Նույն տեղում, էջ 487:

¹² Նույն տեղում:

¹³ Նույն տեղում (այս և հետագա ընդգծումները մերն են—Ա. Խ.), էջ 488:

¹⁴ Նույն տեղում:

¹⁵ Նույն տեղում, էջ 489—490:

գործունեության հետ, թեև հարկադրված է ընդունել, որ մասնավորապես Հակոբ Զուղայանը գրությունը օրյակտիվորեն հող էր պատրաստում հայ ազատագրական շարժման ուսական կողմնորոշման համար: Կարծում ենք, որ այս հարցում դժվար է համաձայնվել Աշ. Հովհաննիսյանի հետ: Ունենալն է, որ նա հարցն այնպես է գնում, որ կարծեք, թե Իսրայել Օրուն նախորդած գործիչները անպայմանորեն ու հստակ պետք է վերադարձվորում դրսևորեն թաղաքական կողմնորոշման հարցում, մինչդեռ այդ ամենին էլ պարտադիր չէ: Արդեն իսկ այն ակնառու երևույթը, որ հայ գործիչները սկսում են ավելի ու ավելի առնչվել Ռուսաստանի հետ, որոշակի թաղաքական ակնկալություններ կապել նրա հետ, թեկուզև դա լինի հակաթուրքական կողմից ստեղծված կամ հայ ժողովրդի՝ Իրանի ճնշումներից ձերբազատվելու համար աջակցություն գտնելու հարցում, ինքնըստինքյան այն բանի վկայությունն են, որ Ռուսաստանն արդեն սկսել էր որոշակի տեղ գրավել հայ ժողովրդի ազատագրական ակնկալություններում, որ ստեղծվում էին թաղաքական վերադարձվորման համար անհրաժեշտ պայմաններ: Կարծում ենք, որ հարցը պետք է դիտարկել հենց այս առումով և միայն իսրայել Օրուն գործունեության հետ չկապել հայ ազատագրական շարժման ուսական կողմնորոշման ձևավորումը: Այս փաստերը խոսում են հօգուտ այն բանի, որ Իսրայել Օրին միայն ավաղողն էր հայ գործը, որ արդեն ձեռնարկել էին նրա նախորդները:

Սակայն այս հարցադրումը դեռևս չի ընդգրկում խնդրի էությունը ամբողջությամբ վերցրած, նրա բոլոր կողմերը: Ռուսական կողմնորոշման ձևավորման ժամանակաշրջանը լուսաբանելիս պետք է նկատի ունենալ նաև, որ 17-րդ դարի 60-ական թվականներին հայ-ուսական հարաբերություններն առավել ուժեղացան: Ռուսական արքունիքի և հայկական վաճառականական ընկերության (այսպես կոչված «Ջուղայական կոմպանիայի») միջև 1667 թ. կնքվում են պաշտոնական պայմանագրեր, որով օրինականացվում ու ամրապնդվում են հայ-ուսական տնտեսական կապերը, փորձեր են արվում Արևելյան Վրաստանի և Արևելյան Հայաստանի վրա ուսական պրոտեկտորատ հաստատելու կամ գեթ պարսկահայտակ քրիտոնյաների վիճակը բարելավելու ուղղությամբ: Հարյուրամյակ հայ վաճառականների, նրանց գործակալների ու ծառայողների պարբերական այցելությունները Ռուսաստանի թաղաքները (Աստրախան, Ցարիցին, Կոզան, Նիժնի-Նովգորոդ, Մոսկվա, Արխանգելսկ), նրանց շփումները Ռուս ընկերության ու պետական գործիչների և հայ զաղթավայրերի հետ լիակատար ծանոթություն էին տալիս երկրի, նրա ռազմական ու տնտեսական մեծ պոտենցիալի, ինչպես նաև նրա արտաքին թաղաքականության հիմնական ուղղությունների մասին: Աշխարհի գործերին լավատեսիկ հայ վաճառականներն ու նրանց գործակալները, նվիրակներն ու դիվանագիտական ծառայողները իրենց տեսածի ու լսածի մասին հաղորդում էին հայրենակիցներին, ստեղծելով որոշակի հասարակական կարծիք Ռուսաստանի և նրա ներքին ու միջազգային դրության մասին¹⁶: Ոչ մի կասկած չի եղել չի կարող այն մասին, որ վերը թվարկված իրողություններն ու երևույթները կարևոր դեր էին խաղում հայ ազատագրական շարժման մեջ ուսական կողմնորոշման հաղթանակի համար: Այդ պատճառով էլ սովետահայ պատմագրության մեջ զգալի ուշադրություն է դարձվել վերոհիշյալ երևույթների նշանակությունը մեկնաբանելու հարցի վրա:

Երկրորդ ունենալով այն հանգամանքը, որ 1667 թ. առևտրական պայմանագիրը մեծ արդյունք չտվեց, որովհետև պարսկական հում մետաքսի արտածման գլխավոր ուղին շարունակում էին մնալ Թուրքիայի վրայով անցնող առևտրական ուղիները, Աշ. Հովհաննիսյանը այն գնահատում է թաղաքական առումով ևս. «1667 թ. դաշնագրով արտոնություններ շնորհելով իրանահայ առևտրական ընկերությանը, ցարական կառավարությունը կամենում էր խորացնել Իրանի և Թուրքիայի միջև եղած թաղաքական անշրպեությունը: Դրանով միաժամանակ նպատակ էր դրվում սեպ խրել իրանահայ խոշանների և արևմտաեվրոպական պետությունների արանքը»¹⁷: Հիմալի, և թե շտապանք, որ Մոսկվայում ունեցած իր բանակցությունների ընթացքում Գրիգոր Լուսինյանը շոշափում էր նաև թաղաքական ընդմիջի հարցեր, որոնց շարքում առաջնահերթ նշանակություն ունեւ Թուրքիայի դեմ Իրանի մասնակցությամբ քրիստոնեական պետությունների կողմից ստեղծումը, ապա պարզ կդառնա, որ Իրանի և Թուրքիայի հակադրումը միմյանց, նրանց միջև թաղաքական վիճի խորացումը կարևոր տեղ պետք է գրավեր ուսական արտաքին թաղաքականության ընթացքի մեջ: Իսկ այդ բանին մեծապես կարող էր նը-

¹⁶ Զ. Տ. Գրիգորյան, Վ. Կ. Ոսկանյան, Հայ-ուսական հարաբերությունների պատմության պարբերական մասին («Պատմա-բանասիրական հանդես», 1972, № 3, էջ 231):

¹⁷ Աշ. Հովհաննիսյան, Նշվ. աշխ., գիրք 2, էջ 442:

պատել հայ վաճառականների տարանցիկ առևտրի ավանդական ուղիների շեղումը Ռուսաստան, որով նաև տնտեսական զգալի վնասներ կարելի է պատճառել Թուրքիային, զրկելով նրան մաքսային հասույթներից:

1667 թ. հայ-ռուսական առևտրական պայմանագրին անդրադարձել են սովետահայ մի շարք ուրիշ պատմաբաններ ևս և արտահայտել են Աշ. Հովհաննիսյանի տեսակետին հակառակ և բավական հիմնավոր կարծիքներ: Դեռևս 1947 թ. անդրադառնալով այդ պայմանագրին, Վ. Ոսկանյանը շեշտում էր, որ պայմանագրի կնքումով ռուսական կառավարությունը հետապնդում էր տնտեսական և քաղաքական որոշակի նպատակներ, ինչպես նաև տնտեսական առումով նաև նպատակ ուներ ավելացնել զանազատների հասույթները, ապա քաղաքական ասպարեզում նրա նպատակը Անդրկովկասը Ռուսաստանի արևելյան քաղաքականության պլանցդարմ դարձնելը և կապերը Արևելքի հետ ամրապնդելը էր, ինչպես նաև Թուրքիայի տրանզիտային դերի թուլացումը¹⁸, Այդ նույն տեսակետն է զարգացնում նաև Վ. Բարխուդարյանը¹⁹:

1667 թ. հայ-ռուսական առևտրական պայմանագրին մեծ կարևորություն է տալիս նաև Վ. Պարսամյանը: Նա գտնում է. «Այդ պայմանագիրը ինչպես հայերի, այնպես էլ Ռուսաստանի համար ոչ միայն տնտեսական, այլև քաղաքական նշանակություն ունեցող կարևոր իրադատություն էր²⁰: Պայմանագիրը նպատակ էր հետապնդում «Տնտեսական և քաղաքական սերտ կապեր հաստատել Պարսկաստանի և Կովկասի հետ՝ հայրենի առևտրին զարկ տալու, իր դիրքերն ամրապնդելու և նրանց հետ միասին թուրքական ագրեսիայի դեմ պայքարելու համար»²¹, Հարցը զուտ հայ-ռուսական հարաբերությունների տեսանկյունից դիտելով, Վ. Պարսամյանը կարծում է, որ այդ պայմանագիրը «հաստատուն հիմքերի ու լայն ուղիների վրա դրեց հայ-ռուսական տնտեսական կապերը և ամուր հող պատրաստեց նրանց քաղաքական կապերի համար»²²: Հեղինակի այս եզրակացությունը ճիշտ է:

Հայ-ռուսական առևտրական պայմանագիրը և հայ-ռուսական հարաբերությունների պատմության մեջ դրա նշանակության հարցը բավականին հանգամանորեն վերլուծել է Զ. Գրիգորյանը: Համառոտակի ներկայացնելով պայմանագրի պարունակած հոդվածների բովանդակությունը, նա հետևյալ գնահատականն է տալիս պայմանագրին. «1667 թ. պայմանագիրը առաջին պաշտոնական առևտրական պայմանագիրն է՝ կնքված հայերի և ռուսական կառավարությունների միջև: Նա իր ժամանակին լիովին արտահայտում էր ինչպես ռուսական կառավարության, նույնպես և հայ վաճառականության տնտեսական շահերը: Ուշագրավ է նաև այն իրաստ, որ այդ պայմանագիրը տարածվում է ոչ միայն Զուղայի հայ առևտրական ընկերության, այլև Ռուսաստանի հետ առևտուր անող բոլոր հայ վաճառականների վրա»²³: Ինքնըստինքյան բազմանշանակ երևույթ է, որ Նոր-Զուղայի հայ վաճառականական ընկերությունը պայմանագիր էր կնքում մի մեծ ու հզոր երկրի կառավարության հետ, երևույթ, որ աննկատ չէր կարող մընալ հայ իրականության մեջ: Այն, լիովին արտահայտելով երկու կողմերի տնտեսական շահերը, չէր կարող չունենալ նաև քաղաքական հեռագնա նպատակադրումներ. «...ռուսական կառավարությունը հայ վաճառականներին, 1667 թ. կնքված պայմանագրով և 1673 թվականին այդ պայմանագիրը վերահաստատող հրամանագրով, հակառակ ռուս վաճառականների բացահայտ դժգոհություններին ու բողոքներին, չէր կարող տալ այդպիսի արտոնություններ, եթե նկատի չունենար բացի տնտեսական շահերից, նաև իր քաղաքական շահերը»²⁴:

Հայ-ռուսական 1667 թ. առևտրական պայմանագրի քաղաքական դերը ընդգծում է նաև Գ. Գալոյանը. «Հովանավորական քաղաքականությունը ոչ միայն նպաստում էր հայերի առևտրի աշխուժացմանը Ռուսաստանում, այլև հայկական գաղութների ամրապնդմանը Աստրա-

18 Տե՛ս В. К. Восканян. Новоторговый устав и договор с Армянской Компанией (ՀԱՄՀ ԳԱ «Տեղեկագիր» (հաս. գիտ.), 1947, № 6, էջ 29—43).

19 Տե՛ս Վ. Բ. Բարխուդարյան, Վ. Կ. Ոսկանյան, Հայ-ռուսական պատմական կապերը և Արևելյան Հայաստանի միացումը Ռուսաստանին, Երևան, 1978, էջ 43—44:

20 Վ. Ա. Պարսամյան, Հայ-ռուսական հարաբերությունների պատմությունից (ՀԱՄՀ ԳԱ «Տեղեկագիր» (հաս. գիտ.), 1952, № 7, էջ 74):

21 Նույն տեղում, էջ 74—75:

22 Նույն տեղում, էջ 78:

23 Զ. Տ. Գրիգորյան, Հայ և ռուս ժողովուրդների դարավոր բարեկամությունը, Երևան, 1960, էջ 40—41:

24 Նույն տեղում, էջ 86—87:

խանութ, Մոսկվայում և այլ տեղերում: Այդ քաղաքականությունը վկայում էր նաև հայերի հետ քաղաքական կապերն ամրապնդելու շահագրգռվածության մասին: Հայ տիրող դասակարգերը ևս ձգտում էին առևտրական ուղիները օգտագործել Ռուսաստանի հետ քաղաքական կապերի ամրապնդման համար, հույս ունենալով վերջինիս պաշտպանությամբ ազատագրվել թուրքական և պարսկական կախվածությունից²⁵: Ինչպես տեսնում ենք, Ձ. Գրիգորյանը և Գ. Գալոյանը 1667 թ. պայմանագրեր ուղղակի առնչում են հայ ազատագրական շրջանների քաղաքական ակնկալություններին, Ռուսաստանի օգնությամբ ազատագրվելու ձգտմանը:

Հայտնի է, որ Գրիգոր Լուսիկենցը և մյուսները առևտրական պայմանագրի կնքումից զատ, հետապնդում էին նաև որոշակի քաղաքական նպատակներ, հատկապես հակաթուրքական կռիվների ստեղծում: Անդրադառնալով Գր. Լուսիկենցի առաքելության այդ կողմին, Զ. Գրիգորյանը գրում է. «...Գրիգոր Լուսիկյանը, Մոսկվա գալով... ռուսական արքունիքի որոշ-պաշտոնական անձանց հետ ունեցել է նաև հայ ժողովրդի ազատագրությանը վերաբերող բանավոր դրույցներ²⁶: Նա վկայակոչում է այն փաստը, որ 1672 թ. Լուսիկյանը իր հետ Մոսկվա էր բերել Գանձասարի Պետրոս կաթողիկոսի՝ Ալեքսեյ Միխայլովիչ ցարին հղած նամակը: Նա ուշադրություն է հրավիրում նամակի հետևյալ տողերի վրա. «Սկս ազօթենք տեառն մերո աստուծո, որպեսզի բազմապատկի ու ամրապնդի քո և քո տերության փառքը և հնազանդեցնի ամենայն թշնամյաց առ ոտս քո զերթ Սողոմոն և սատար կանգնես մեր ժողովրդին, որպեսզի անհավատներ մեջ լմնա առանց ապաքինման...»²⁷: Այս տողերը իսկապես վկայում են, որ այդ ժամանակ արդեն հայ գործիչները քաղաքական որոշակի ակնկալություններ ունեին Ռուսաստանից:

Անուհետև Ձ. Գրիգորյանը մատնանշում է, որ հայ և ռուս ժողովուրդների պատմության մեջ խիստ կարևոր է 1670-ական թվականների սկզբին վերաբերող Հակոբ Զուղայեցու նամակ-դիմումը: Նա գրում է. «Վերին աստիճանի կարևոր այս փաստաթուղթը լավագույն վկայություն է այն բանի, որ հայերը, հանձին Ռուսաստանի, տեսնում էին ռեալ մի ուժ, որի օգնությամբ նրանք կարող էին ազատագրվել պարսկական լծից: Այլ կերպ ասած՝ սա մի պաշտոնական փաստաթուղթ է, որը ցույց է տալիս հայերի ռուսական օրինատացիան դեռևս 17-րդ դարի 70-ական թվականների սկզբներին²⁸: Ի մի բերելով վերոհիշյալ բոլոր փաստերը, Ձ. Գրիգորյանը անում է հետևյալ ընդհանրացնող եզրակացությունը, որ դրանք պետք է դիտել, որպես «շատ որոշակիորեն արտահայտված հայ հասարակական լայն շրջանների տրամադրությունների, նրանց ցանկությունների ու կամքի արդյունք, Ռուսաստանից նրանց սպասելիքների արտահայտություն: Դրանք վկայություններ են պատմական այդ ժամանակաշրջանում արդեն հայ ժողովրդի ռուսական օրինատացիայի մասին²⁹: Նա այն կարծիքն է հայտնում, որ վերը նշված բանակցությունները, դիմումներն ու գրություններն արդեն իսկ սկիզբ են դնում հայերի պաշտոնական քաղաքական հարաբերություններին Ռուսաստանի հետ³⁰:

Քննելով հայ-ռուսական հարաբերությունների պատմական զարգացման ընթացքը և հատկապես ժանրաբանալով XVII դարի վրա, Ձ. Գրիգորյանը հանգում է հետևյալ եզրակացությանը. «Հայերի ռուսական օրինատացիայի կազմավորումը ապրել է երկարատև մի ժամանակաշրջան է: Իր քաղաքական ձևավորմանը հասել 17-րդ դարի երկրորդ կեսին³¹: Հետագայում նա ավելի է ճշգրտում իր տեսակետը և կոնկրետացնում հայ ազատագրական շարժման ռուսական կողմնորոշման ձևավորման ժամանակը. «Մեր կարծիքով,— գրում է նա,— հայ ազատագրական շարժման ռուսական կողմնորոշումն ապրել է կազմավորման ու հասունացման բավականին երկարատև պրոցես և իր ձևավորմանը հասել 17-րդ դարի երրորդ քառորդին³²: Ինչպես տես-

25 Գ. Ա. Գալոյան, Ռուսաստանը և Անդրկովկասի ժողովուրդները, Երևան, 1978, էջ 68:

26 Ձ. Ս. Գրիգորյան, նշվ. աշխ., էջ 87:

27 Армяно-русские отношения в XVII в. Сб. документов. Подготовили к печати В. К. Парсамян, С. А. Тер-Авакимова, под ред. В. А. Парсамяна, Ереван. 1953, с. 92.

28 Ձ. Ս. Գրիգորյան, նշվ. աշխ., էջ 88—89:

29 Նույն տեղում, էջ 90:

30 Նույն տեղում:

31 Նույն տեղում, էջ 91:

32 Ձ. Ս. Գրիգորյան, Արևելյան Հայաստանի միացումը Ռուսաստանին և նրա պատմական նշանակությունը, Երևան, 1978, էջ 85:

նում ենք, հանգամանորեն ըննարկելով խնդրո առարկա պրոբլեմը, Զ. Գրիգորյանը միանգամայն որոշակի և համոզիչ հիմնավորում է այն դրույթը, որ հայ ազատագրական շարժման ուսական կողմնորոշումն արդեն XVII դ. երրորդ քառորդում հասել է իր ձևավորմանը:

Վ. Ոսկանյանը, որը լուսիկենցի գործունեության հետ կապված վավերագրերի առաջին հետազոտողն է եղել, գրում է, որ նա ամեն կերպ շանում էր ամրապնդել Ռուսաստանի գերբերը Անդրկովկասում, ճանաչել տալ նրա իրավունքները Վրաստանում, Իրանն ընդգրկել Ռուսաստանի և Լեհաստանի հետ նույն կալիցիայի մեջ ընդգրկել թուրքական ազերսիայի և այդ բոլորով հանդերձ հող նախապատրաստել Ռուսաստանի օգնությամբ Անդրկովկասը ազատագրելու համար³³, աշխատառքի է, որ Գր. Լուսիկովը՝ շահի դեսպանորդը, փաստորեն վստահված անձ էր նաև Ռուսաստանի համար: Սուվբյման շահը նրան նույնիսկ մեղադրեց այն բանում, որ նա ուսաց ցարի հավատարկիցն է և նրան է ծառայում³⁴, Վ. Ոսկանյանը գրում է նաև, որ Լուսիկենցը Լուսիկովի ձգտում էր, որպեսզի շահը ճանաչի սվրաց արրայազն նիկոլայ Դավիդովի իշխանական իրավունքները և նրա անկախությունը Իրանից, որը նշանակում էր Վրաստանի խաղաղ ազատագրում, Ռուսաստանի պրոտեկտորատի հաստատում³⁵, Այնուհետև, սերտ կապերի մեջ լինելով Իրանում Լեհաստանի դեսպան, հայազգի Բոգդան Գուրգիի հետ, Գրիգոր Լուսիկենցը ղեկավարում էր բարենպաստ հասարակական կարծիք ստեղծել հոգևոր հակաթուրքական կալիցիայի, առաջին պլան մղելով Լեհաստանի և Պարսկաստանի հետ Ռուսաստանի դաշինքի կազմակերպումը³⁶, Սակայն, ինչպես նշում է Վ. Ոսկանյանը, Գր. Լուսիկենցը և նրան շրջապատողները միակ գործիչները չէին, որոնք քաղաքական կապեր էին հաստատում մոսկովյան պետության հետ, աշխատանքի վիճակը թեթևացնելու նպատակով Ռուսաստանին էին դիմում նաև կաթողիկոսները³⁷: Այս կապակցությամբ նա վկայակոչում է Գանձասարի Պետրոս և Էշմիածնի Հակոբ Ջուղայեցի կաթողիկոսների գրությունները:

Այս բոլորի հիման վրա Վ. Ոսկանյանը եզրակացնում է. «Շայ ժողովրդի լայն խավերի ահող գծողությունը սոցիալական և ազգային ճնշման ուժեղացումից, ռեալիզմի խաչկրաց արշավանքից, նկատմամբ անիրականալի պատրանքային հույսերի աստիճանաբար հոգս ցրեղելը մի կողմից, Թուրքիայի և Պարսկաստանի հետագա թուլացումն ու անկումը, Ռուսաստանի միջազգային գերի ուժեղացումը և նրա արևելյան քաղաքականության ակտիվացումը մյուս կողմից, նպաստեցին ուսական կողմնորոշման գեներալիսի որպես հայ ժողովրդի ազատագրության ծրագրի³⁸, Այնուհետև նա կանգ է առնում 1678 թ. Էշմիածնի և 1699 թ. Անգեղակոթի ժողովների, Իսրայել Օրու և Մինաս վարդապետի, Ծսայի Հասան-Ջալալյանի գործունեության վրա և անում այն հետևություն, որ «հայ ազատագրական շարժման ուսական կողմնորոշումը սուղմնավորվել և ձևավորվել է 17-րդ դարում—18-րդ դարի սկզբին³⁹, այնպես էլ ղկոնկրետ ացնելով և ընդգրտելով ավելի որոշակի ժամանակաշրջան, թեև այդ նույն հողվածի վերջում էրում է, որ «հայ ազատագրական շարժման ուսական կողմնորոշումը դարձավ համաժողովրդական ծրագիր, հայ ժողովրդի պատմական զարգացման ուղեցույց աստղ սկսած 17-րդ դարից և մինչև մեր օրերը⁴⁰, դրանով ավելի անորոշ դարձնելով իր ձևակերպումը, որովհետև XVII դարը ամբողջությամբ չի կարելի համարել հայ ժողովրդի ազատագրական շարժման ուսական կողմնորոշման ժամանակաշրջան:

Ավելի հանգամանորեն Գր. Լուսիկենցի գործունեությանը և դրա գնահատականին Վ. Ոսկանյանը և Վ. Բարխուդարյանը անդրադարձել են հայ-ուսական պատմական կապերին ներկրված իրենց գրքում: Ընդգծելով, որ 1667 թ. հայ-ուսական առևտրական կապերի հետագա զարգացումը պարարտ հող ստեղծեց հայ-ուսական հարաբերությունների հետագա առաջընթացի համար, նրանք մատնանշում են, որ դրանից հետո է, որ ավելի է ծավալվում

33 ՏԼ՝ս В. К. Восканян, Русско-армянские отношения в XV—начале XVIII вв. и формирование русской ориентации армянского освободительного движения (Из истории вековой дружбы, Ереван, 1983, с. 17).

34 Նույն տեղում:

35 Նույն տեղում:

36 Նույն տեղում:

37 Նույն տեղում:

38 В. К. Восканян. Նշվ. աշխ., էջ 18—19:

39 ՏԼ՝ս Նույն տեղում, էջ 27:

40 Նույն տեղում:

Լուսիկենցի բաղադրական գործունեությունը, ընդգրկելով այնպիսի հարցեր, որոնք վերաբերում էին ինչպես հակաթուրքական կռիվների ստեղծմանը, այնպես էլ ուս-պարսկական բանակցությունների միջոցով Պարսկաստանից անկախ կամ գեթ կիսանկախ Վրաստանի ստեղծմանը, որի սահմանների մեջ պետք է ներառվեր նաև Արևելյան Հայաստանի մի մասը ուսական դաստիարակություն ստացած և առ այդ ուսական կողմնորոշում ունեցող արքայազն Նիկոլայ Դավիդովիչի գլխավորությամբ: ՔՄԹ. — գրում են նրանք, — հայ-վրացական միասնական իշխանություն ստեղծելու նախագաղափարն էր՝ կապված ուսական օգնության հետ»⁴¹:

Ինչ վերաբերում է հայ ազատագրական շարժման ուսական կողմնորոշման ձևավորման ժամանակի հարցին, հեղինակները հետևյալն են գրում. «Հայերի ազատագրության գործը ուսական պետության հետ կապելու գաղափարը հանկարծակի չի ծնվում, այլ պատմականորեն նախապատրաստվում է 17-րդ դարի ընթացքում՝ որպես օրյակտիվ հետևանք Թուրքիայի և Պարսկաստանի աստիճանական թուլացման, հայության վիճակի վատթարացման, Լեւոնուհայից սպասվող «փրկության» պատրանքի ազդեցության հետևողական թուլացման և ուսական պետության ուժեղացման»⁴²:

Բերված օրինակներն ու փաստերը հաստատում են այն, որ հայ ժողովրդի ազատագրական շարժման ուսական կողմնորոշման ձևավորման ժամանակի հարցում սովետահայ պատմագրության մեջ միասնական կարծիք գոյություն չունի: Ոմանք այն կապում են Խորայել Օրու՝ Մոսկվայում ծավալած գործունեությանը, ոմանք՝ այն վերագրում են ընդհանրապես XXVII դարին, ոմանք էլ այդ գարի վերջին Լեւոնյանյակին: Կարծում ենք, որ իրավացի են այն պատմաբանները, որոնք ուսական կողմնորոշման ձևավորման ժամանակը համարում են XXVII դարի երրորդ քառորդը: Եվ ահա թե ինչու: Հենց այդ ժամանակաշրջանին են վերաբերում այնպիսի կարևոր իրադարձություններ, ինչպես աղամանդյա գահի ընծայատվությունը 1660 թ. բաղամանյանակ մակագրությամբ, հայ-ուսական առևտրական պայմանագրի կնքումը 1667 թ. Զաքար Շեհրիմանյանի, Գր. Լուսիկենցի և այլոց քաղաքական բնույթի բանակցությունները ուսական արքունիքի հետ՝ Օսմանյան Թուրքիայի դեմ համընդհանուր ճակատ ստեղծելու մտադրությամբ, Գանձասարի և էջմիածնի կաթողիկոսների նամակ-դիմումները, ազատագրական միտումների ուժեղացումը բուն Հայաստանում, Ռուսաստանի միջազգային հեղինակության աճը և այլն: Այս բոլորը, մեր կարծիքով բավարար հիմք են տալիս պնդելու, որ հենց այդ ժամանակաշրջանում էլ ձևավորվել է հայ ժողովրդի ազատագրական շարժման ուսական կողմնորոշումը: Այլ հարց է, որ այդ կողմնորոշման քաղաքական հասուն ծրագրերը երևան եկան մի փոքր ավելի ուշ, Խորայել Օրու մոսկովյան գործունեության ընթացքում: Խորայել Օրու ծառայության նշանակությունն այն է, որ նա էլ ավելի խորացրեց և առաջ մղեց, հաստատուն և տևական հիմքերի վրա դրեց այդ կողմնորոշումը:

ВОПРОС ПЕРИОДА ФОРМИРОВАНИЯ РУССКОЙ ОРИЕНТАЦИИ АРМЯНСКОГО ОСВОБОДИТЕЛЬНОГО ДВИЖЕНИЯ В СОВЕТСКОЙ АРМЯНСКОЙ ИСТОРИОГРАФИИ

А. Р. ХАЧАТРЯН

Резюме

Вопрос периода формирования русской ориентации армянского освободительного движения имеет важное историографическое значение.

Изучение фактического материала показывает, что формирование русской ориентации армянского освободительного движения не было случайным явлением. Оно не являлось результатом субъективных устремлений отдельных видных деятелей армянского освободительного движения, а было порождением ряда социально-экономических и политических факторов.

Анализ исторических фактов выявляет, что начало формирования русской ориентации армянского освободительного движения можно отнести к третьей четверти XVII в.

41 Վ. Ք. Բ ա ռ խ ո ղ ա Ր յ ա ն, Վ. Կ. Ո ս կ ա ն յ ա ն, նշվ. աշխ., էջ 51:

42 Նույն տեղում, էջ 83: